


► *Claudius ta señala***"Te ainda mi no sa kico mi a gana"**

Den combersacion cu The King nos a comprondé cu e no tin idea kico e la gana como Rey di Calypso y Roadmarch. Y un punto cu e la pone masha enfasis ta cu e organizacion ta faltado respeta na e musiconan y como tambe e participantenan. T'asina cu e trofeonan cu e la ricibi e anochi di su coronacion ta manera cosnan di hunga. Claudius ta señala cu mirando e cantidad di hende cu tabatin den e parke e organizacion por a duna un premio un tiki mas miho. Claudius a mustra bon cla cu si e premionan keda asina e no lo bai participa mas na e competencia aki, pasobra e situacion cu tin actualmente ta un falta di respet na tur esnan cu ta participa. Na esnan cu ta paga pa arreglo, composicion, paña, banda, brass, T-shirt y asina por sigui menciona e gastonan cu participante ta hinka nan mes pa e competencia aki.

E gasto di un participante por yega te na 3 a 4 Mil florin. Asina ta Claudius mes ta spera cu cosnan por cambia pa miho. Un punto cu e la trece dilanti ta cu e añá'ki tabatin hopi participante, pero e calidad mes a keda un tiki abao y esaki ta algo bo tin cu pone un bon atencion riba dje...!!

► *Anthony Garrio...***Ami tin mi propio estilo di musica...!!**

Loke mi a presenta cu e banda Le groove ta parti di mi esilo. E musica aki ta propio di mi. ta palabranan di Anthony Garrio cu nos personalmente ta goza e meneer aki cu a sa di demostra na diferente ocasion cu e semper e tin algo hende tin di papia di dje. Berdad ta cu loke e la yega di graba semper a pega pa su swing inovativo y semper a trece un diferencia den su musica.

E estilo aki ta masha relaciona cu loke nos por tende di Islanan Ariba cu tin un toke di e forma aki. Anthony Garrio lo keda semper un persona cu lo bo tin cu paga tino cune den su participacion den cualquier festival y en especial den generio musical cu e ta domina fuertemente...!!